

socialista.

12.4.- ROGOS E PREGUNTAS.-

O concelleiro do Grupo Municipal do Partido Popular, D. Miguel Angel Álvarez Ballesteros, formula os seguintes rogos:

De todos e coñecida a peligrosidade da N-555 e ante esta situación algúns veciños solicitaron o Concello espellos para poder sair cos coches das suas vivendas coa finalidade de minimizar os riscos que esta estrada ten.

Por mor destes perigos, este concelleiro solicitou no pleno do pasado mes de maio do 2008, que se puxeran espellos en distintas zonas do Concello e concretamente un nesta estrada, no barrio de Fortóns-Cedeira, a altura do número 41 (antes 55).

Como queira que non se atenderon as peticións feitas no seu día, rogo una vez mais sexan atendidas coa fin de evitar mais riscos.

En vista a que o mandato 2007-2011 está a piques de rematar e ainda non se convocou nin unha soa xuntanza da comisión de servizos privatizados, solicito os responsables do grupo de goberno que esixan e vixien as obras que se están a facer por parte das empresas privadas que traballan para o Concello, coa fin de que as executen nas condicións adecuadas e unha vez empezadas as rematen coa maior urxencia posible coa fin de evitar riscos innecesarios, molestias os veciños, ... etc

Como exemplo poño a reparación que comenzou a facer fai uns meses a empresa Aqualia no camiño do Papo Roxo e a día de hoxe ainda está sin rematar.

E, non habendo máis asuntos que tratar, a Presidencia remata a presente sesión, sendo as vinte e vinteseis horas da data fixada no encabezamento, en proba de todo o que, se redacta a presente acta, da que, como Secretaria do presente acto, dou fe-



Nº 4/2011

SESIÓN EXTRAORDINARIA CELEBRADA POLO PLENO DO CONCELLO O DÍA 17 MARZO 2011

ORDE DO DÍA

1.-APROBACIÓN DA ACTA DA ÚLTIMA SESIÓN.

2.-APROBACIÓN PROVISIONAL ORDENANZA FISCAL REGULADORA DA XESTION DE APRAZAMENTOS E FRACCIONAMENTOS DO COBRO DE CRÉDITOS TRIBUTARIOS E DEMÁS DE DEREITO PÚBLICO.

3.-EXPEDIENTE CONTRATACIÓN CONCESIÓNS DE OBRA PÚBLICA PARA A CONSTRUCCIÓN DA 3^a E 4^a FASE E MAILA EXPLOTACIÓN DO CENTRO DE DEPORTES ACUÁTICOS DE CHAPELA.

Na Casa do Concello de Redondela, sendo as nove horas e trinta minutos do día dezasete de marzo de dous mil once, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. JOSÉ GARCÍA MÍGUEZ, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ÁLVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS



(Sello da Corporación)

(Sinatura do Presidente)

Folio N.º

Serie A N.º 1179391



NUMERADO
PORACIONES
LOCAIS

DOCAMPO, Dª. MARÍA ANXELES BABARRO FERNÁNDEZ, Dª. ROSA MARIA COSTAS ESTÉVEZ, e D. BENIGNO GARCÍA-LUENGO MONTERO, tamén asistiu o Sra. Interventora Accidental do Concello Dª. Mª EMILIA GARCÍA MANEIRO, actuando como Secretaria a Secretaria Xeral da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

INCIDENCIAS.-

Non asiste, excusando a súa ausencia, o concelleiro D. ALEJANDRO BASTOS FERNÁNDEZ Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.-APROBACIÓN DA ACTA DA ÚLTIMA SESIÓN.

Non se formulan observacións, e o Pleno do Concello, en votación extraordinaria e por unanimidade dos/as seus membros, sendo vinte votos a favor (8 do PSdeG-PSOE, 8 do PP, 3 do BNG, e 1 do PG), acorda prestar aprobación ao acta da sesión celebrada con carácter ordinario o día 23 de febreiro de 2011.-

2.-APROBACIÓN PROVISIONAL ORDENANZA FISCAL REGULADORA DA XESTION DE APRAZAMENTOS E FRACCIONAMENTOS DO COBRO DE CRÉDITOS TRIBUTARIOS E DEMÁIS DE DEREITO PÚBLICO

ANTECEDENTES.-

Ditame da Comisión Informativa de Facenda e Patrimonio de data 15 de marzo de 2011, que transcrito di:

"Vista a proposta do Concelleiro de asuntos económicos, de data 11.03.11.

Visto o informe da Interventora A2/2011 de data 11.03.11.

Este Concelleiro proponlle ao Concello Pleno a adopción do seguinte acordo:

Primeiro.- Aprobar provisionalmente o texto da ordenanza fiscal reguladora da xestión de aprazamentos e fraccionamentos do cobro de créditos tributarios e demás de dereito público, que quedará redactada do seguinte xeito:

Artigo 1.- Ámbito de aplicación.

A presente ordenanza é de aplicación tanto aos expedientes de créditos tributarios como aos expedientes dos demás ingresos de dereito público do Concello.

Artigo 2.- Réxime xurídico.

O aprazamento ou fraccionamento da recadación dos créditos rexerase por:

- a) Polas Leis Xerais Orzamentaria e Tributaria.
- b) Polas normas que regulan os tributos e demás recursos obxecto da xestión recadadora.
- c) Polos tratados, acordos, convenios e demás normas internacionais ou emanadas de entidades internacionais ou supranacionais que afecten á xestión recadadora.
- d) Pola presente ordenanza.
- e) Polo Regulamento Xeral de Recadación.

Artigo 3.- Competencia.

1.A unidade competente para tramitar os expedientes de aprazamento e fraccionamento é a Tesourería Municipal.

2.É órgano competente para resolver o Alcalde.

Artigo 4.- Dispensa de garantías.

Non se esixirá garantía cando o importe das débedas cuxo aprazamento ou fraccionamento se solicita sexa inferior á cifra de 6.000 €.

Artigo 5.- Formas de pago.

Domiciliación dos pagos en entidade de crédito cos requisitos operativos que se establezan pola Tesourería.

Artigo 6.- Imputación de pagos.

Cando nunha mesma solicitude se trate de fraccionar o pago de varias débedas ca mesma antigüidade o importe de cada pago distribuirase en primeiro lugar ás débedas de menor importe, salvo que o debedor libremente determine outro criterio.

Artigo 7.- Documentación relativa á renda a presentar polas persoas físicas ao facer a solicitude.

1. Ademais dos documentos esixidos polo Regulamento Xeral de Recadación:

a) Aquelas persoas que teñan o deber de declarar en relación co IRPF, a última declaración presentada.

b) Pensionistas: Documento acreditativo da pensión que recibe ou outro documento de referencia.

c) Traballadores por conta allea que non declaren por IRPF: certificado de haberes da empresa ou última folla do salario.

d) Traballadores autónomos: última liquidación trimestral do IRPF e/ou último boletín de cotización da seguridade social.

e) Desempregados:

-Certificado de inscrición no INEM e/ou certificado de vida laboral expedido pola Seguridade Social.

-Con prestación: último recibo.

Artigo 8.- Criterios de concesión ás persoas físicas.

1. Calculada a renda mensual segundo os documentos presentados polos interesados concederase o aprazamento ou fraccionamento sempre que o principal da débeda supere:

a) O 15% da renda mensual, se esta é superior ao Salario Mínimo Interprofesional.

b) O 5% da renda mensual, se esta é igual ou inferior ao Salario Mínimo Interprofesional.

Artigo 9.- Criterio para establecer inicialmente o importe dos pagos do principal da débeda.

1. Para os pagos mensuais, correspondentes ao principal da débeda, o interesado poderá solicitar que o importe non supere:

a) O 15% da renda mensual, si esta é superior ao salario mínimo interprofesional.

b) O 5% da renda mensual, si esta é igual ou inferior ao salario mínimo interprofesional.

Non se establece limitación as recargas que procedan nin aos xuros de demora que serán os que correspondan a cada prazo.

2. O número de prazos resultante deberá axustarse ao máximo de 18 mensualidades, de tal forma que si o importe dos pagos propostos polo interesado non alcanzou o máximo do 15% ou o 5% resultante da aplicación do apartado anterior, deberá aumentarse dito importe ata cubrir a débeda no máximo de 18 mensualidades. Non obstante, si o importe dos pagos alcanza os máximos do apartado anterior e en 18 mensualidades non se cubre o principal da débeda, o número de mensualidades aumentarase ata cubrilo. Todo elo sen perxuízo do cobro dos xuros de demora e as recargas aplicables no seu caso.



NUMERADO
PORACIONES
LOCAIS



(Sello da Corporación)

(Síntoma do Presidente)

Folio N.º

Serie A N.º 1179392

3. A determinación inicial dos pagos non é obstáculo para que unha vez aprobado o aprazamento ou fraccionamento o interesado poida realizar adiantos, inda que resulten pagos por encima do importe aprobado, e se procederá a realizar os axustes correspondentes no cálculo dos xuros de demora das cantidades pagadas. O adianto de cantidades non suporá un cambio no vencemento dos pagos pendentes. Para que sexa así deberá formularse unha nova solicitude de aprazamento ou fraccionamento.

Artigo 10.- Documentación a presentar polas persoas xurídicas ao facer a solicitude.

A solicitude de aprazamento deberase acompañar ademais dos requisitos establecidos no artigo 46 do Regulamento Xeral de Recadación, o balance de situación e conta de resultados dos dous últimos exercicios e un orzamento de tesourería da entidade no que se detallará a situación global da tesourería no momento da presentación da solicitude e a evolución prevista da mesma durante o período no que se vai a aprazar ou fraccionar a débeda. A información presentarase con detalle mensual e partindo do saldo inicial determinarase a evolución do mesmo mediante a suma do total de cobros previstos en cada mes e a resta dos pagos previstos en dito prazo exceptuando os relativos aos créditos que se pretenden aprazar. Non obstante, para a determinación do saldo inicial do período de que se trate teranse en conta o pago aprazado ou fraccionado realizado no período anterior. O orzamento de tesourería deberá ir fechado e firmado polo representante da entidade e se acompañará dun informe para o caso no que circunstancias extraordinarias expliquen unha evolución da tesourería distinta da que se poida derivar da información contable presentada. Pola Tesourería Municipal valorarase a coherencia da información presentada.

Artigo 11.- Criterios de concesión ás persoas xurídicas.

Concederase o aprazamento ou fraccionamento sempre que:

1. A tesourería municipal valore favorablemente a coherencia da información presentada. A valoración da coherencia non supón a comprobación da veracidade da información, a que é responsabilidade do solicitante.

2. O principal da débeda supere o 80% do saldo de tesourería no momento da solicitude e se cumpla cos demais requisitos esixidos pola normativa sinalada no artigo 2.

Artigo 12.- Criterio para establecer inicialmente o importe dos pagos do principal da débeda.

1. Os pagos correspondentes ao principal da débeda o importe, a determinar polo interesado, non poderán superar o 80% do saldo previsto no orzamento de tesourería para cada vencemento nin ser inferior ao 50%.

Non se establece limitación ás recargas que procedan nin aos xuros de demora que serán os que correspondan a cada prazo.

2. O número de prazos resultante deberá axustarse ao máximo de 18 mensualidades, de tal forma que si o importe dos pagos propostos polo interesado non alcanzou o máximo do 80% resultante da aplicación do apartado anterior, deberá aumentarse dito importe ata cubrir a débeda no máximo de 18 mensualidades. Non obstante, si o importe dos pagos alcanza os máximos do apartado anterior e en 18 mensualidades non se cubre o principal da débeda, o número de mensualidades aumentarase ata cubrilo.

Todo elo sen perxuízo do cobro dos xuros de demora e as recargas aplicables no seu caso.

3. A determinación inicial dos pagos non é obstáculo para que unha vez aprobado o aprazamento ou fraccionamento o interesado poida realizar adiantos, inda que resulten pagos por encima do importe aprobado, e se procederá a realizar os axustes correspondentes no cálculo dos xuros de demora das cantidades pagadas. O adianto de cantidades non suporá un cambio no vencemento dos pagos pendentes. Para que sexa así deberá formularse unha nova solicitude de aprazamento ou fraccionamento.

Disposición final.- Esta ordenanza entrará en vigor ao día seguinte da súa publicación no Boletín Oficial da Provincia.



NUMERA
PORACIÓN
LOCAIS

Votación e dictame:

A comisión informativa de facenda, e patrimonio, co voto favorable dos/as Sres/as Concelleiros/as dos Grupos Municipais do PSdeG-PSOE (4) do BNG (2) e a abstención do PP (3), e do PG (1) dictaminou favorablemente a proposta do Presidente antes transcrita."

INTERVENCIÓN.

O concelleiro señor Pazos Couñago sinala que van a votar a favor da proposta xa que consideran que mellora a situación actual pero considera que deberíase ampliar o prazo máximo para realiza-los pagamentos ata en 6 meses mais, dada a situación de crise na que nos atopamos e a imposibilidade de que moitos cidadáns fagan frente as suas débedas con normalidade.

O concelleiro señor González Iglesias lee o texto da ordenanza para amosar que o prazo máximo non é de 18 meses senón que, atendendo ás persoas que poidan estar nunha situación difícil, o prazo pode ser maior cando se dean certas circunstancias.

O concelleiro señor Pazos Docampo sinala que, efectivamente, a redacción é un pouco farragosa e non afortunada, pero considera que a ordenanza prevense todas as posibilidades.

O concelleiro señor Pazos Couñago di que simplemente fan a aportación para facilitar as cousas á xente que o está pasando mal.

VOTACIÓN E ACORDO.

Sometido o asunto a votación, o Concello Pleno, en votación extraordinaria e por unanimidade dos/as Sres./as concelleiros/as asistentes, sendo dezanove votos a favor (7 do PSdeG-PSOE, 8 do PP, 3 do B.N.G. e 1 do PG), aprobou, nos seus propios termos, o ditame da Comisión Informativa de Facenda e Patrimonio, nos antecedentes transcrto.-

3.-EXPEDIENTE CONTRATACIÓN CONCESIÓN DE OBRA PÚBLICA PARA A CONSTRUCCIÓN DA 3^a E 4^a FASE E MAILA EXPLOTACIÓN DO CENTRO DE DEPORTES ACUÁTICOS DE CHAPELA.

ANTECEDENTES.

Ditame da Comisión Informativa de Facenda e Patrimonio de data 15 de marzo de 2011, que transcrto di:

"Vista a proposta do Presidente da comisión de data 14.03.11, que transcrita di:

Dada a conveniencia e necesidade de realizar a concesión da obra pública consistente en CONSTRUCCIÓN DA 3^a E 4^a FASE MAILA EXPLOTACIÓN DO CDA e unha vez comprobado que se cumpriron todos os trámites preparatorios como son o estudo de viabilidade, elaboración dos proxectos de obras e redacción dos pregos de cláusulas administrativas e de prescripcións técnicas.

Considerando que dadas as características da concesión que se pretende, parece que o procedemento máis axeitado é o procedemento aberto, á oferta economicamente máis vantaxosa con varios criterios de adjudicación.

Visto o informe que con data 11.03.2011 emitiuse Informe por Secretaría e Intervención sobre o expediente de contratación.

Visto o informe emitido polo arquitecto municipal en relación aos proxectos de obras correspondentes á 3^a e 4^a Fase das obras, a executar polo concesionario.

De conformidade co previsto no artigo 94 e na Disposición Adicional Segunda da Lei 30/2007, de 30 de outubro, de Contratos do Sector Público, teño a ben propor ao Pleno, previo ditame da comisión informativa de Economía, Facenda e Patrimonio, a adopción dos seguintes

ACORDOS

PRIMEIRO. Prestar aprobación aos proxectos de obras correspondentes á 3^a e 4^a fase da obras , redactados por AREALONGA ARQUITECTURA (visados polo COAG o 14.12.2010 e o



NUMERADO
PORACIONES
LOCAIS



10.12.2010 respectivamente)

(Síntoma do Presidente)

Folio N.º

Serie A N.º 1179393

SEGUNDO. Aprobar o expediente para a contratación, mediante procedemento aberto oferta economicamente más vantaxosa, con varios criterios de adxudicación, da concesión da obra pública consistente en CONSTRUCCIÓN DA 3ª E 4ª FASE MAILA EXPLOTACIÓN DO CDA convocando a súa licitación.

TERCEIRO. Aprobar o Prego de Cláusulas Administrativas Particulares e Prego de prescripcións técnicas que rexerá o contrato.

CUARTO. Publicar no Boletín Oficial da Provincia de Pontevedra, no Diario Oficial de Galicia e no Perfil de contratante anuncio de licitación, para que durante o prazo de 26 días naturais poidan presentarse as proposicións que estimen pertinentes.

Votación e dictame:

A comisión informativa de facenda, e patrimonio, co voto favorable dos/as Sres/as Concelleiros/as dos Grupos Municipais do PSdeG-PSOE (4) do BNG (2) e a abstención do PP (3), e do PG (1) dictaminou favorablemente a proposta do Presidente antes transcrita."

INTERVENCIÓN.-

O concelleiro señor Pazos Couñago considera que precisan máis información e non entende que se convoque un pleno extraordinario para iso. Lle parece que é unha mostra de improvisación. Expresa a sua preocupación polo estado actual do centro e se pregunta polo que pasará caso de non cumplirse o prazo establecido xa que non se terminou no inicialmente previsto de 9 meses, e ainda que foi prorrogado non parece que vaia a rematarse. Tampouco sabe as consecuencias disto para este contrato.

O concelleiro señor González Iglesias dí que se trata dunhas bases que teñen certa complexidade e se tardou bastante en rematalas. De non rematarse a obra non terá ningunha consecuencia neste contrato, pero considera que o centro se rematará perfectamente xa que onte fixérонse as probas de estanqueidade e neste intre hai marxe de sobra. Considera que se non existiran os problemas para o derrube da nave do Club de Remo non se haberían retrasado as obras. Afirma que o Centro vai ser inaugurado polo goberno actual.

O concelleiro señor Pazos Couñago admite que as bases son complexas pero xa podían terse tramitado dende hai tempo polo que non lle mira inconveniente en que quedara para o próximo pleno ordinario xa que tampouco van a escomenzar as obras xa mesmo.

O concelleiro señor González Iglesias se felicita porque non se está a discutir o contido das bases e iso indícalle que deben estar ben, posto que o PP sempre estivo renuente a dita instalación.

VOTACIÓN E ACORDO

Aprobada a proposta por unanimidade o que supón a maioría absoluta legal do número de membros da Corporación, para os efectos do previsto no artigo 47.2 j) da Lei 7/85 de 2 de abril Reguladora das Bases do Réxime Local.

E, non habendo máis asuntos que tratar, a Presidencia remata a presente sesión, sendo as nove horas e cincuenta minutos da data fixada no encabezamento, en proba de todo o que, se extende a presente acta, da que, como Secretaria do presente acto, dou fe.-

Nº 5/2011

SESIÓN ORDINARIA CELEBRADA POLO PLENO DO CONCELLO O DÍA 30 MARZO 2011
ORDE DO DIA